

বাংলাদেশ ফুটবল ফেডারেশনের সম্মানিত সভাপতি'র মাসিক (ডিসেম্বর ২০২২) বিবৃতি

বাংলাদেশ ফুটবল ফেডারেশনের পক্ষ হতে সকলকে জানাই ইংরেজি নববর্ষ ২০২৩ এর শুভেচ্ছা।

ডিসেম্বর মাস আমাদের গৌরবের মাস। ১৯৭১ সালে দীর্ঘ ৯ মাস যুদ্ধের পর ১৬ ডিসেম্বরে আমরা পেয়েছি মহান স্বাধীনতা। মহান স্বাধীনতা যুদ্ধে সকল শহীদদের প্রতি জানাই গভীর শ্রদ্ধা।

বসুন্ধরা গ্রুপ স্বাধীনতা কাপ ২০২২ঃ

বাংলাদেশ ফুটবল ফেডারেশনের ব্যবস্থাপনায় 'বসুন্ধরা গ্রুপ স্বাধীনতা কাপ ২০২২' এর খেলা গত ০৫-১১-২০২২ হতে ০৫-১২-২০২২ তারিখ পর্যন্ত ৩টি ভেন্যুতে অনুষ্ঠিত হয়। উক্ত প্রতিযোগিতায় বসুন্ধরা কিংস চ্যাম্পিয়ন ও শেখ রাসেল ক্রীড়া চক্র লিঃ রানার্স-আপ হওয়ার গৌরব অর্জন করে। আমি চ্যাম্পিয়ন ও রানার্স-আপসহ অংশগ্রহণকারী সকল দলকে আন্তরিক অভিনন্দন জানাচ্ছি।

বাবুফে এএফসি প্রফেশনাল ডিপ্লোমা কোর্সঃ

এশিয়ান ফুটবল কনফেডারেশন (এএফসি) এর তত্ত্বাবধানে এবং বাংলাদেশ ফুটবল ফেডারেশনের ব্যবস্থাপনায় বাবুফে এএফসি প্রফেশনাল ডিপ্লোমা কোর্সের ৫ (পাঁচ)টি মডিউলের সর্বশেষ মডিউল-৫ গত ০৭-১২-২০২২ তারিখ হতে ১১-১২-২০২২ তারিখ পর্যন্ত মতিঝিলস্থ বাবুফে ভবনে অনুষ্ঠিত হয়। বাংলাদেশের ফুটবলের জগতে প্রথমবারের মত এই কোর্সটি সফলভাবে আয়োজন করতে পেরে আমি অত্যন্ত গর্বিত।

বাংলাদেশ প্রিমিয়ার লীগ ২০২২-২৩ঃ

বাংলাদেশ ফুটবল ফেডারেশনের ব্যবস্থাপনায় ১১ (এগার)টি ক্লাব ফুটবল দলের অংশগ্রহণে 'বাংলাদেশ প্রিমিয়ার লীগ ২০২২-২৩' এর খেলা গত ০৯-১২-২০২২ তারিখ হতে দেশের ৬ (ছয়)টি ভেন্যুতে শুরু হয়েছে।



(২)

ওমেন্স রেফারীজ রিফ্রেশার্স কোর্স ২০২২ঃ

রেফারী ছাড়া ফুটবল মাঠে খেলা পরিচালনার কোন সুযোগ নেই। আমরা প্রতিনিয়ত রেফারীং সংক্রান্ত কার্যক্রমের বিকাশ ও রেফারীদের মান উন্নয়নে বিভিন্ন কোর্সের আয়োজন করছি। এরই ধারাবাহিকতায় বাংলাদেশ ফুটবল ফেডারেশনের ব্যবস্থাপনায় গত ১২-১২-২০২২ তারিখ হতে ১৩-১২-২০২২ তারিখ পর্যন্ত সমগ্র দেশ হতে আগত ২২ (বাইশ) জন সেরা মহিলা ফুটবল রেফারীদের অংশগ্রহণে ‘ওমেন্স রেফারীজ রিফ্রেশার্স কোর্স ২০২২’ মতিঝিলস্থ বাফুফে ভবনে অনুষ্ঠিত হয়।

মহান বিজয় দিবস উদযাপনঃ

গত ১৬-১২-২০২২ তারিখ শুক্রবার মহান বিজয় দিবস উপলক্ষে বাংলাদেশ ফুটবল ফেডারেশনের ব্যবস্থাপনায় বাংলাদেশ জাতীয় ফুটবল দলের সাবেক খেলোয়াড়দের অংশগ্রহণে প্রতি বছরের ন্যায় এবারও মতিঝিলস্থ বাফুফে ভবনের আর্টিফিসিয়াল টার্ফে লাল দল ও সবুজ দলের মধ্যে এক প্রীতি ফুটবল ম্যাচের আয়োজন করা হয়।

বসুন্ধরা গ্রুপ দ্বিতীয় বিভাগ ফুটবল লীগ ২০২১-২২ঃ

বাংলাদেশ ফুটবল ফেডারেশনের তত্ত্বাবধানে এবং ঢাকা মহানগরী ফুটবল লীগ কমিটির ব্যবস্থাপনায় ১৮ (আঠার)টি ক্লাব ফুটবল দলের অংশগ্রহণে ‘বসুন্ধরা গ্রুপ দ্বিতীয় বিভাগ ফুটবল লীগ ২০২১-২২’ এর খেলা গত ১০-০৮-২০২২ তারিখ হতে ২০-১২-২০২২ তারিখ পর্যন্ত কমলাপুরস্থ বীরশ্রেষ্ঠ শহীদ সিপাহী মোহাম্মদ মোস্তফা কামাল স্টেডিয়ামে অনুষ্ঠিত হয়। উক্ত লীগে সাইফ স্পোর্টিং ক্লাব লিঃ যুব দল চ্যাম্পিয়ন এবং সিদ্দিক বাজার ঢাকা জুনিয়র স্পোর্টিং ক্লাবকে রানার্স-আপ হওয়ার গৌরব অর্জন করে। আমি চ্যাম্পিয়ন ও রানার্স-আপসহ অংশগ্রহণকারী সকল দলকে আন্তরিক অভিনন্দন জানাচ্ছি।

ফুটবল উন্নয়নে দ্বিপাক্ষিক সমঝোতা স্মারকঃ

বাংলাদেশ ফুটবল ফেডারেশন ও সৌদি এয়ারাবিয়ান ফুটবল ফেডারেশন এর মধ্যে ফুটবল উন্নয়নে দ্বিপাক্ষিক বিষয়ে এক সমঝোতা স্মারক গত ১৮-১২-২০২২ তারিখ কাতারের দোহায় ‘সৌদি হাউজ’ এ স্বাক্ষরিত হয়। ইহার মাধ্যমে বাংলাদেশ জাতীয় ফুটবল দল, বাংলাদেশ মহিলা জাতীয় ফুটবল দল এবং বয়সভিত্তিক বাংলাদেশ জাতীয় ফুটবল দলসমূহ সৌদি আরবে প্রশিক্ষণ ক্যাম্প ও প্রীতি ম্যাচে অংশগ্রহণের সুযোগসহ ফুটবল উন্নয়নে বিভিন্ন তথ্য ও টেকনিক্যাল বিষয়ে বাফুফে সৌদি এয়ারাবিয়ান ফুটবল ফেডারেশন এর নিকট হতে সহযোগিতার সুযোগ পাবে।

বসুন্ধরা গ্রুপ ফেডারেশন কাপ ২০২২-২৩ঃ

বাংলাদেশ ফুটবল ফেডারেশনের ব্যবস্থাপনায় ‘বাংলাদেশ প্রিমিয়ার লীগ ২০২২-২৩’ এ অংশগ্রহণকারী ১১ (এগার)টি ক্লাব ফুটবল দলের অংশগ্রহণে ‘বসুন্ধরা গ্রুপ ফেডারেশন কাপ ২০২২-২৩’ এর খেলা গত ২০-১২-২০২২ তারিখ হতে দেশের ৩টি ভেন্যু যথাক্রমে শহীদ ধীরেন্দ্র নাথ স্টেডিয়াম-কুমিল্লা, শেখ ফজলুল হক মনি স্টেডিয়াম-গোপালগঞ্জ ও বীরশ্রেষ্ঠ ফ্লাইট লেঃ মতিউর রহমান স্টেডিয়াম-মুন্সিগঞ্জে শুরু হয়েছে।



(৩)

বাংলাদেশ চ্যাম্পিয়নশীপ লীগ ২০২২-২৩ঃ

বাংলাদেশ ফুটবল ফেডারেশনের ব্যবস্থাপনায় ১১ (এগার)টি ক্লাব ফুটবল দলের অংশগ্রহণে 'বাংলাদেশ চ্যাম্পিয়নশীপ লীগ ২০২২-২৩' এর খেলা গত ২১-১২-২০২২ তারিখ হতে কমলাপুরস্থ বীরশ্রেষ্ঠ শহীদ সিপাহী মোহাম্মদ মোস্তফা কামাল স্টেডিয়ামে শুরু হয়েছে। উক্ত লীগ হতে বাংলাদেশ জাতীয় ফুটবল দলের জন্য প্রতিভাবান খেলোয়াড় উঠে আসবে।

বায়ুফে গ্রাসরুট কোচিং কোর্স ২০২২ঃ

দেশের ফুটবল প্রশিক্ষকগণের মান উন্নয়নের ধারাবাহিকতায় বাংলাদেশ ফুটবল ফেডারেশনের ব্যবস্থাপনায় গত ১৭-১২-২০২২ তারিখ হতে ২১-১২-২০২২ তারিখ পর্যন্ত ৪৩ (তেতাল্লিশ) জন ফুটবল প্রশিক্ষকের অংশগ্রহণে 'বায়ুফে গ্রাসরুট কোচিং কোর্স ২০২২' মতিঝিলস্থ বায়ুফে ভবনে অনুষ্ঠিত হয়।

বসুন্ধরা গ্রুপ মহিলা ফুটবল লীগ ২০২১-২২ঃ

বাংলাদেশ ফুটবল ফেডারেশনের ব্যবস্থাপনায় ১১ (এগার)টি ক্লাব ফুটবল দলের অংশগ্রহণে 'বসুন্ধরা গ্রুপ মহিলা ফুটবল লীগ ২০২১-২২' এর খেলাসমূহ গত ১৫-১১-২০২২ তারিখ হতে ৩১-১২-২০২২ তারিখ পর্যন্ত কমলাপুরস্থ বীরশ্রেষ্ঠ শহীদ সিপাহী মোহাম্মদ মোস্তফা কামাল স্টেডিয়ামে অনুষ্ঠিত হয়। উক্ত প্রতিযোগিতায় বসুন্ধরা কিংস চ্যাম্পিয়ন এবং আতাউর রহমান ভূইয়া কলেজ স্পোর্টিং ক্লাব রানার্স-আপ হওয়ার গৌরব অর্জন করে। আমি চ্যাম্পিয়ন ও রানার্স-আপসহ অংশগ্রহণকারী সকল দলকে আন্তরিক অভিনন্দন জানাচ্ছি।

বায়ুফে কার্যনির্বাহী কমিটির সভাঃ

বাংলাদেশ ফুটবল ফেডারেশনের কার্যনির্বাহী কমিটির ৬ষ্ঠ নিয়মিত সভা গত ৩১-১২-২০২২ তারিখ রোজ শনিবার বেলা ২:৩০ ঘটিকায় মতিঝিলস্থ বায়ুফে ভবনের ২য় তলাস্থ বোর্ড রুমে অনুষ্ঠিত হয়। সভায় আলোচ্যসূচী অনুযায়ী বায়ুফে ন্যাশনাল টিমস কমিটির আওতাধীন বাংলাদেশ জাতীয় ফুটবল দলসহ উক্ত কমিটির আওতাধীন বিভিন্ন বিষয়ে, সদ্য সমাপ্ত 'বসুন্ধরা গ্রুপ স্বাধীনতা কাপ ২০২২' সহ চলমান 'বাংলাদেশ প্রিমিয়ার লীগ ২০২২-২৩', 'বাংলাদেশ চ্যাম্পিয়নশীপ লীগ ২০২২-২৩' ও 'বসুন্ধরা গ্রুপ ফেডারেশন কাপ ২০২২-২৩' সম্পর্কে, বায়ুফে কমিটি ফর ওমেন্স ফুটবল এর আওতাধীন চলমান 'বসুন্ধরা গ্রুপ মহিলা ফুটবল লীগ ২০২১-২২' সহ উক্ত কমিটির আওতাধীন বিভিন্ন বিষয়ে এবং ঢাকা মেট্রোপলিশ লীগ কমিটির আওতাধীন বিভিন্ন কার্যক্রম সম্পর্কে সবিস্তারে আলোচনা করা হয়। একইসঙ্গে সভায় BFF Conflict of Interest Policy এবং BFF Procurement Policy সর্বসম্মতক্রমে অনুমোদিত হয়। যাহার মাধ্যমে বায়ুফের কার্যক্রমসমূহ Standard Compliance and Governance অনুসরণ করতঃ স্বচ্ছতার সহিত সম্পাদিত হবে।
